

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317587753, 2317586492 և 2317454619 որոշումներն անփոփոխ, իսկ վարչական բողոքն առանց բավարարման թողնելու մասին

<<19>> 01 2024թ. 7-13 543

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Իվեթ Բիքզադեհի Դանյալ Նախջվան Թափեհի ՄԴ/109252-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավթաշեն վարչական շրջանի Ա.Միկոյան փողոցի 4/3-րդ շենքի 44-րդ բնակարանի բնակիչ Իվեթ Բիքզադեհի Դանյալ Նախջվան Թափեհի դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2317587753, 2317586492, 2317325680, 2317421081, 2316840587, 2316842511, 2316811370 և 2317454619 որոշումները նշելով, որ համաձայն չէ կայացված որոշումների հետ:

Դիմումի քննարկման արդյունքում պարզվել է, որ դիմումատուի փաստարկները չեն կարող վարչական ակտերը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հաղվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները:

<<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 68-րդ կետի համաձայն՝ բնակավայրերում տրանսպորտային միջոցների երթևեկությունը թույլատրվում է 60կմ/ժ ոչ ավելի արագությամբ:

Ճանապարհային ոստիկանության վարչական տույժ նշանակելու մասին թիվ 2317587753 որոշման անհատական ծածկագրի տակ զետեղված լուսանկարի մանրակրկիտ ուսումնասիրության արդյունքում հստակ է դառնում, որ <<FORD>> մակնիշի 37DG492 հաշվառման համարանիշի տրանսպորտային միջոցը 01.12.2023թ.-ին ժամը 14:57-ին՝ << Մ-1, 16,2կմ Պոռշյան գյուղի հատվածում 71535 գործարանային համարի սարքով արձանագրվել է դիմումատուին պատկանող տրանսպորտային միջոցի արագությունը, որը երթևեկել է 85կմ/ժ արագությամբ, հանելով արագաչափ սարքի հնարավոր սխալանքի 10կմ/ժ չափը՝ բնակավայրում գերազանցել է երթևեկության սահմանված արագությունը 15կմ/ժ-ով, ինչի համար պատասխանատվություն է նախատեսված Վարչական իրավախախտումների վերաբերյալ << օրենսգրքի 124.4-րդ հոդվածի 2-րդ մասով:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 7-րդ կետի 5-րդ ենթակետի համաձայն, լուսացույցի կարմիր ազդանշանն, այդ թվում նաև՝ թարթող, արգելում է երթևեկությունը:

Ճանապարհային ոստիկանության վարչական տույժ նշանակելու մասին թիվ 2317586492 որոշման անհատական ծածկագրի տակ զետեղված տեսանյութի մանրակրկիտ ուսումնասիրությամբ հստակ է դառնում, որ 01.12.2023թ. Երևան քաղաքի Խաչատրյան – Փափագյան փողոցների խաչմերուկի հատվածում առկա է 1.12' <<Կանգ-գիծ>> գծանշումը և այն հատելու պահին միացված է եղել լուսացույցի կարմիր արգելող ազդանշանը: Այսպես՝ տեսանյութի ժամը 11:21:51-րդ վայրկյանին միանում է լուսացույցի կարմիր արգելող ազդանշանը, երբ դիմումատուի վարած տրանսպորտային միջոցը գտնվում էր 1.12' <<Կանգ-գիծ>> գծանշման առջև: Դիմումատուի վարած տրանսպորտային միջոցը 1.12' <<Կանգ-գիծ>> գծանշումը հատում է տեսանյութի ժամը 11:21:55-րդ վայրկյանին՝ լուսացույցի արգելող կարմիր ազդանշանի առկայությամբ:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման համաձայն՝ **3.27' <<Կանգառն արգելվում է>> ճանապարհային նշանն արգելում է տրանսպորտային միջոցների կանգառն ու կայանումը**, որի ազդեցությունը տարածվում է նշանի տեղադրման տեղից մինչև դրանից հետո գտնվող մոտակա խաչմերուկը, իսկ բնակավայրերում խաչմերուկի բացակայության դեպքում, մինչև բնակավայրի վերջը: Ճանապարհային ոստիկանության վարչական տույժ նշանակելու մասին թիվ 2317454619 որոշման անհատական ծածկագրի տակ զետեղված տեսանյութի մանրակրկիտ ուսումնասիրությամբ հստակ է դառնում, որ դիմումատուի տրանսպորտային միջոցը 07.11.2023թ-ին, ժամը՝ 14:26-ին կանգառ է կատարել Երևան քաղաքի Թումանյան – Սարյան փողոցների խաչմերուկի հատվածում՝ 3.27' <<Կանգառն արգելվում է>> ճանապարհային նշանի ազդման գոտում:


Այսպիսով, հիմնավորվել է, որ դիմումատուին վարչական պատասխանատվության ենթարկելու մասին թիվ 2317587753, 2317586492 և 2317454619 որոշումներն իրավաչափ են և օրինական:

Ինչ վերաբերում է վարչական տույժ նշանակելու մասին թիվ 2317325680, 2317421081, 2316840587, 2316842511 և 2316811370 որոշումներին, ապա դիմումատուի կողմից բաց է թողնվել Վարչական իրավախախտումների վերաբերյալ << օրենսգրքի 288-րդ հոդվածով նախատեսված գանգատ տալու 30-օրյա ժամկետը, ուստի դիմումը՝ դրանց մասով ենթակա չէ քննության:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317587753, 2317586492 և 2317454619 որոշումները թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << Վարչական դատարան՝ օրենքով սահմանված կարգով և ժամկետներում.
3. Սույն որոշման օրինակը ուղարկել Իվեթ Բիքզադեհի Դանյալ Նախջվան Թափեհին:



Ն.Սարգսյան